



**Les Fleurs Des Vies Des Saints Et Des Festes De Toute
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles
Borromeo, & de Sainte Françoise ; Avec le Martyrologe Romain, pour
tous les iours de l'Annee ...

Ribadeneyra, Pedro de

Paris, 1631

viii La vie des ss. Cyriaque, Largue & Smarague, mart.

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

Le Roy de Sicile assista à son enterrement, avec les Seigneurs de son Royaume, & quelques euesques, suivis d'une innumerable multitude de peuple, chacun taschant d'emporter quelque loppin de ses habits & Reliques, comme vn precieux tresor, par lesquelles Dieu fit plusieurs miracles.

Il y eut vne grosse dispute entre le Clergé & le peuple, touchant la Messe qu'on diroit aux obseques du Sainct, le Clergé la vouloit chanter de Requiem, & le peuple d'un S. Confesseur, s'estans les vns & les autres mis en oraison, il s'apparut en l'air deux enfans respiediffans avec des robes blanches qui dirent qu'on deuoit chanter, *Os iusti meditabitur sapientiam*, de façon qu'on dit la Messe d'un Confesseur, puis que c'estoit la volonté de Dieu. Le tombeau de saint Albert estoit visité de malades, boiteux, aveugles, lepreux, paralytiques, qui retournoient sains en leurs maisons: la façon de guarir estoit qu'ils se prosternoient deuant le sepulchre du Sainct, puis ieufoient trois ou quatre iours, implorant son ayde: sur la minuict saint Albert s'apparoissoit enuironné d'une claire lumiere qui leur rendoit la santé parfaite.

Le saint trespassa le septiesme d'Aoust l'an 1292. apres sa mort, nostre Seigneur chastia rigoureusement des soldats qui auoient prophane l'Eglise où il estoit enterré, on le trouua à genoux dans sa vouite, comme demandant vengeance à Dieu de ces sacrileges, lesquels moururent tous au mesme instant de peste. Et d'autant qu'il n'y a chose si sainte que les meschans ne peruertissent, & tirent en la mauuaise part, changeans la medicine en poison: Vn Carme prechant au peuple la sainteté d'Albert, & ses rares merites, vn Prestre (poussé du pere de l'enueie) dit publiquement que ce Prescheur auoit menty, & que tout ce qu'il disoit estoit faux & cotrouué, mais deuant toute l'assistance les boyaux luy tomberent: alors recognoissant sa faute, il demanda pardon au Sainct, & promit de ieufer la vigile de sa Feste, qu'il obserueroit à l'aduenir, par ce moyen il fut guarý.

Certains Ecclesiastiques d'un instinct diabolique voulurent oster l'image du Sainct que le peuple honoroit: comme ils alloient la nuict pour executer leur dessein, vn paralytique qui auoit demeuré 12. ans immobile, fut guarý, & s'opposa à ceux qui vouloient abbatre l'Image, leur racontant le miracle que Dieu auoit fait en luy, ce qui les fit desister.

Vn iouieur ayant perdu tout son argent à Trapano, il veid deux Images, l'une de nostre Dame, l'autre de saint Albert, contre laquelle il mit la main à l'espée, disant: Je t'ay souuent reclamé, & tu ne m'as point aydé, ie ne t'aymeray iamais Sainct; & toy Marie, surnommée Mere de grace, & tu as aussi fait la sourde-oreille à mes prieres, & frappa sur ces Images qui rendirent quantité de sang, la foudre tomba du Ciel, qui mit ce mal heureux iouieur en poudre.

Le Martyrologe Romain fait mention de

saint Albert le septiesme d'Aoust, & la Chronique des Garmes, & le Cardinal Baronius en ses Annotations, Baptiste Mantuan a escrit sa vie en vers.

A Arrezzo en Toscan mourut saint Donat Euesque & Martyr, lequel entre plusieurs autres miracles, reste par ses oraisons vn calice, que les payens auoient brisé, comme tesmoigne saint Gregoire Pape: & durant la persecution de Iulian Apostat, fut pris par vn nommé Quadratian, Gentilhomme de l'Empereur, sommé de sacrifier aux idoles: ce que refusant faire, il eut la teste tranchée. Avec luy endure saint Hilarin Moine, la feste duquel se fait le seiziesme iour de Iuliet, parce qu'à tel iour son corps fut transporté en la ville d'Osie, sur l'embarcheure du Tybre. A Rome endurent les SS. Martyrs Pierre & Iulien, avec autres dix-huict. A Milan S. Fauste soldat, lequel ayant esté en diuerses sortes sondé & tenté sous l'Empereur Aurele Commode, apres auoir beaucoup combattu, mourut en sainte paix. A Come les S. Carpophore, Exanthe, Casie, Seuerin, Second. & Licinie, qui eurent les testes tranchées pour la confession de la Foy, A Nisibe en Mesopotamie S. Demetrie Moine Persan, fut lapidé avec deux de ses disciples, sous Iulian Apostat. A Rouen se fait la feste de saint Virrice Euesque & Confesseur, lequel estant encore soldat, sous Iulian Apostat, quitta la ceinture & l'espée pour l'amour de nostre Sauueur: par quoy il fut grieusement tourmenté par commandement du Marechal de camp, & condamné à estre decapité: mais le bourreau qui estoit venu pour l'executer, deuint auueuglé: qui fut cause, qu'il eschappa, & fut depuis fait Euesque, conuertit par ses Predications plusieurs, tant à Tournay qu'à Troane & lieux circonuoisins. A Chaalons deceda saint Donat Euesque & Confesseur. En Sicile S. Albert Confesseur de l'Ordre des Carmes, renommé pour ses miracles.

LA VIE DES SAINTS CTIAQVE, Layue, & Smaragde, Martyrs.



Emartyre des Ss. Cyriaque Diacre, Lague, & Smaragde, est tiré des actes de S. marcel Pape & martyr, escrit par les Notaires de Rome. L'Empereur Maximian, ayant passé d'Afrique à Rome, pour faire vne vaine ostetation de son pouuoir, & flatter l'Empereur Diocletian qui l'auoit associé à l'Empire, fit bastir vn beau & superbe palais pour seruir d'un lieu de plaisir à Diocletian: & voyant que l'on ne pouuoit venir à bout des Chrestiens, ny par mort ny par tourmens, pour les matter d'un ennuyeux martyre, il les fit traualier à cet ouurage comme esclaués, traifner la pierre, le sable, & les autres materiaux necessaire à bastir, sans respect des qualitez de noblesse, de misice & autres priuileges, & ne leur donnant aucun relasche iour ny nuict.

C'est vne chose digne de remarque, que les autres superbes bastimens des Empereurs ayent par succession de temps tellement esté ruinez, qu'il n'en est demeuré aucun vestige, & neantmoins que cestuy-cy, bastý à la sueur de tát de glorieux Martyrs, est demeuré pour la pluspart en son entier, d'or on a fait vne Eglise dediée à nostre Dame des Anges, où est à present la Chartreuse de Rome. Il y auoit lors à Rome vn homme riche & puisant, nommé Trason, qui ayant compassion des Chrestiens, les secouroit secrettement, & leur enuoyoit tout ce dont ils auoient besoin par Sisime, Cyriaque, Smaragde, & Lague, qui

estoit aussi Chrestiens. Saint Marcel Pape, ou selon d'autres, saint marcelin, remercia fort Trafon de sa charité, & fit Sisine & Cyriaque Diaeres, lesquels continuans leur pieté, porteroient l'aumosne ordinaire de Trafon aux Chrestiens qui trauailloient: mais y estans surpris vne nuit par les gardes & soldats de Maximian, furent par son commandemēt condamnez à charroyer la pierre & le sable comme les autres. Les Ss. demeurèrent quelque temps à cet atelier, où il y auoit vn bon vieillard nommé Saturnin, si caduc qu'il succomboit sous le faix, de sorte que ces saints Diaeres trainoient par pieté sa charge avec la leur pour le soulager: dequoy les Gentils s'esmeruillerent (par ce que la vertu a la force de se faire aymer par tout où elle trouue, mesme de ses propres ennemis) & aduertirēt le Tribun Spurne, comme d'vne chose nouvelle & estrange, qui le raconta à Miximian, lequel les fit prendre & mettre es mains du Prefect Leodicie; pendant que les saints Diaeres demurerēt en prison, ce fut vne chose prodigieuse de voir tant de grands miracles que N. S. opera par saint Cyriaque Diaere. Et pour manifester dauantage sa gloire à la cofession des Emperours, Dieu permit qu'Artemie fille de Diocletian, fut possedee du diable, & cruellement tourmentee, criant à haute voix, qu'elle ne seroit point deliurée, si le Dieu Cyriaque ne le venoit chasser. Cyriaque (comme nous auons dit) auoit esté presque oublié & delaisé en la prison, quand Diocletia l'enuoya querir pour le prier de guarir sa fille. Le saint Diaere commanda imperieusement au diable au nom de Iesus-Christ, de sortir de ceste fille, lequel sortit sans pouuoir resister, sinon qu'il menaça Cyriaque, que s'il le chassoit d'Artemie, il le feroit aller au Royaume de Perse. Artemie demeura saine de corps & d'esprit, se faisant Chrestienne, & son pere Diocletian fit pour lors bon traictemēt à S. Cyriaque, par l'entremise de l'Imperatrice Serene, qui estoit couuertement Chrestienne, & depuis fut martyre, de laquelle le Martyrologe Romain fait mention au 16. d'Aoust. Quelque temps apres il vint vn ambassadeur du Roy de Perse vers l'Emperour Diocletian, pour le prier de luy enuoyer le Diaere Cyriaque, d'autant que le diable Possedoit vne sienne fille, & disoit qu'il la tourmentoit cruellemēt iusques à ce que Cyriaque l'en fut venu chasser. Le saint Diaere voyant la volonte de l'Emperour, & de l'Imperatrice Serene, qui l'en sollicitoit fort, s'offrit volontiers à vn si long & penible voyage, pour la gloire qu'il esperoit que N. S. en retireroit. Ceux qui l'accompagnoient en ce voyage estoient à cheual ou en carosse. Cyriaque fut à pied, son bourdon à la main, chātant des Psalmes & des Hymnes, iusques deuant le Roy de Perse, lequel se ietta à ses pieds, & luy dit l'occasion pour laquelle il luy auoit donné la peine de venir, & que sa chere Iobia estoit fort tourmentee du diable, qui commença dès l'heure à rugir: & le S. s'estant prosterné en terre pour prier, les larmes aux yeux, commanda au diable, au nom

de Ies. Ch. de sortir du corps de ceste creature, à quoy il obeyt promptement: ce miracle fut cause, qu'elle & le Roy son pere, avec enuiron 400. personnes se conuertirent, & furent baptizez. Le Roy o ffit à Cyriaque de riches dōs & thesors: mais il ne voulut rien prēdre, disāt que les Chrestiens ne vouldroient les dons de Dieu à prix d'argent, ains qu'ils ne les estimoient qu'au prix de leur foy. Il mangeoit du pain sec, & ne beuuoit que de l'eau, avec Largue & Smeragde, ses compagnōs: & apres auoir seiournē 45. iours, il s'embarqua & reuint à Rome apportant des lettres du Roy de Perse à l'Emperour Diocletian, qui le receut humainement, & le laissa viure paisiblement en vne maison qu'il luy auoit donnee pour se loger. Quelque temps apres Diocletian s'estant absentē de Rome, Maximian y demeura executant sa cruelle rage & impietē contre les Chrestiens, desquels il fit vne boucherie & carnage estrange. Entr'autres il fit prendre Cyriaque, Largue, & Smeragde, & trainer au mepris de la Religion Chrestienne, Cyriaque despoillē & nuds pieds au deuant de son carosse.

Vn iour qu'il sortoit en pompe pour aller à certaines festes, il cōmit Cartase son Lieutenant pour oïr les Ss. Martyrs, & les faire mourir s'ils refusoient de sacrifier aux Dieux. Le Iuge voyāt qu'il n'y auoit aucun moyen de les diuertir de la foy de I. C. fit verser de la poix bouillante sur la teste de S. Cyriaque, qui chātait cependāt: Gloire à vous Seign. qui me rendez digne d'endurer pour vostre nō. Apres ce tourmēt on luy appliqua d'autres pl^s terribles: ils lui disloquerēt tous les mēbres en la question, & N. S. duquel il implora la faueur, le fortifia & rēdit vainqueur du tyrā. En fin maximian luy fit trancher la teste avec Largue & Smeragde, & 20. autres, tant hommes que femmes, qui furent excutez hors la ville de Rome en la voye Salarie, aupres des iardins de Saluste. Leurs corps furent enseueilis par les vestre, le 16. de mars qui fut le iour de leur martyre. Depuis le 8. Aoust, le Pape S. Marcel, avec vne deuote matrone nommée Lucine, les trāsporta & colloqua en vn lieu plus decēt en la voye d'Ostie, au quel iour de leur translation l'Eglise celebre leur feste. Les Martyrol. Romains, de Bede, d'Vsard, & Adon, & le Cardinal Baronius au 2. Tome de ses Annales font mētion de ces Saints. La pluspart de ce que nous auons dit icy, est tirē des Actes de S. Marcel le 16. iour de Juillet.

A Rome se fait la feste des saints Cyriaque Diaere, Largue & Smeragde, avec autres vingt, lesquels endurerent durant la persecution de Diocletian & Maximian, & furent enseueilis le seiziesme iour de Mars, sur le grand chemin du Sala par Iean Prestre. Mais leurs corps furent trāsportez par le commandement de S. Marcel Pape, en la metairie de Lucine, sur le chemin qui tire vers Ostia. A Anazarbe ville de Cilicie trāspassā S. Marin vieillard, lequel durant la persecution de Diocletian, fut battu de verges sous le President Lytandus, deschirē, & puis expose aux bestes, qui le firent mourir. Il fut enseueily par vne dame nommee Xambie, & son Chrestien appelle Saprice. A mesme iour decederent les saints martyrs Elenihere & Leon, qui furent bruslez. A Cyriaque vce de l'Hellespont, S. Emilian Euesque, qui fut grecs nommē tourmentē pour l'hōneur deu aux saintes images, & par sentence de l'Emperour Leon, enuoyē en exil, où il mourut. En Candie S. Mar

*Pauline renommé pour ses miracles. A Vienne en Dauphiné
S. Severus Prestre & Confesseur, lequel pour le zele des ames
estant party des Indes, arriva à ladite ville, où par sa predication
& miracles, il convertit à la Foy vne grande multitude de Pa-
pens & infideles.*

LA VIE DE SAINT ROMAIN,
Martyr.

Eneufiesme d'Aoust, vigile de saint
Laurens, l'Eglise fait commemora-
tion de saint Romain Martyr, lequel
estoit soldat de l'Empereur Valerian,
& se trouua present au Martyre de S. Laurens,
qu'il veit remercier nostre Seig. de la grande fa-
ueur qu'il luy faisoit, de luy donner la force d'en-
durer pour l'amour de luy, les gehenes, les foietes
& tortures dont ses membres estoient despeccez,
& apperceut qu'un ieune iouenceau esluoyit la
sueur qui luy sortoit du front, à cause de la vio-
lence des tourmens. Romain fut fort esmeu de
celle veue, cognoissant que ce beau iouenceau
estoit un Ange de Dieu, qui estoit venu pour
encourager & assister saint Laurens, & que ce-
ste Religion estoit infailliblement veritable, qui
donnoit tant de ioye parmy les horribles tour-
mens qu'on souffroit pour l'amour d'elle. Il s'ap-
procha donc comme il peut de saint Laurens,
& luy dit ce qu'il auoit veu, & qu'il desiroit d'es-
tre Chrestien, le suppliant de ne le point aban-
donner. Le bien-heureux Martyr se resioiuyt
grandement de ce que luy dit Romain, & luy
monstra vn visage plein de bien-veillance, ne luy
pouuant respondre de parole. On osta saint
Laurens de ce tourment, & fut baillé en garde à
Hippolite (qui estoit couuertement Chrestien)
Romain trouua moyen d'entrer où estoit le S.
& luy porta de l'eau dans vn vase, se prosternant
à ses pieds pour receuoir le baptesme de sa main.
Saint Laurens prit l'eau, luy donnant la benedi-
ction, & le baptiza. Valerian l'ayant sceu, le fit
comparoir deuant luy à coup de bastons. Saint
Romain auant que ce faux Iuge luy peust dire
vn mot, luy cria à haute voix: Je suis Chrestien,
& l'Empereur plein de cholere luy fit soudain
trancher la teste. Il fust executé hors la porte
Salarielle le 9. iour d'Aoust, & vn Prestre nommé
Iustin vint de nuict, qui enterra son corps S. dans
le champ Veranien, en vne caue. Voila le som-
maire du martyre de S. Romain tiré des actes de
S. Laurens.

*La Vigile de S. Laurens martyr. A Rome S. Romain soldat,
assitant au martyre de S. Laurens, luy demanda d'estre baptize,
sur le champ saisi battu de gros bastons, & en fin decapité. En
Toscane les SS. martyrs, Secundian, Marcellian & Verian,
durant la persecution de Dece, furent par commandement de
Promote Consulair, premierement battus, puis peulius sur le
cheual, deschirez avec des ongles de fer, rostis avec du fen qu'o
leur alluma par les costez, & ainsi couronnez du martyre. A
Veronne trespasserent les SS. martyrs Rustique & Ferme, du
temps de l'Emp. Maximia. En Affrique se faisoit iadis la com-
memoration de plusieurs SS. martyrs, lesquels durant la persecu-
tion de Valerian furent mis au feu, S. Numidique, qui les auoit
encouragez au martyre, fut ietté avec les autres, & accablé de
pierres: mais sa fille estant par apres venue pour retirer son corps,*

*& l'emerrer, le trouua plein de vie, & le fit si bien penser qu'il en
guerit, & fut depuis par ses vertus fait Prestre à Carthage
par Saint Cyprian Euesque. A Constantinople les Saints
Martyrs, Julian, Marcian, & autres huit pour auoir pose vne
image de nostre Sauueur sur la porte de cuisine, furent en diuer-
ses facons tourmentez, & en fin decapitez par commandement
de l'Empereur Leon. A Chalons deceda S. Domitian Euesque
& Confesseur.*

9.
Aou.

LA VIE DE SAINT LAURENS,
Martyr.



Le glorieux & illustre martyr de
saint Laurens a esté si celebre
en toute l'Eglise de Dieu, que
Saint Augustin en dist ces mots,
*La gloire du martyr de saint Lau-
rens est si grande, que sa Passion a
esclairé tout l'uniuers. Sans doute saint Laurens illu-
mina ce monde du feu qui l'embrasoit, & eschauffa les
cœurs de tous les fideles, des flammes qui les conform-
moient.* Les autres Docteurs de l'Eglise parlent
aussi fort particulièrement de son martyre, des-
quels & des actes des anciens de S. Laurens, & de
ces Martyrologes nous auons recueilly sa vie &
sa mort precieuse. S. Laurens estoit Espagnol
de nation, natif de la ville d'Huesca, au Royau-
me d'Arragon: son pere auoit nom Orence, sa
mere Patience, qui furent saints, & l'Eglise
d'Huesca solemnise leur feste. Nous ne trouuons
rien de son enfance, de son ieune aage, ny com-
ment il alla à Rome: nous ne sçauons seulement
qu'il estoit Archidiaque de l'Eglise de Rome, &
que le saint Pape Sixte II. luy auoit baillé en
garde les thresors de l'Eglise, qui deuoient con-
sister en deniers pour l'entretien des Prestres &
officiers, pour donner l'aumosne aux pauures, en
des vaisseaux d'or ou d'argent, en des habits &
precieux ornemens pour parer l'Autel. Du réps
de l'empereur Valerian, la persecution cõtre les
Chrestiens estoit fort furieuse, si bien que le Pa-
pe Sixte fut apprehendé & mené en prison. Lau-
rens qui le vouloit accompagner en ce sacrifice,
comme vray Diacre d'un tel Prestre, & enfant
digne d'un si cher Pere, le pria à chaudes larmes,
& d'un bouillant desir de mourir pour Ies. Chr.
& de le receuoir en sa compagnie, puis que la
mort temporelle luy seroit bien-heureuse, alle-
guant les raisons que saint Ambroise rapporte,
& que nous auons desia touchées en la vie de S.
Sixte Martyr. Saint Sixte eut compassion de
Laurens, le consola, l'encouragea, & luy donna
esperance qu'il mourroit bien tost pour l'hon-
neur de Dieu, luy annonçant d'un esprit prophe-
tique, que ses tourmens seroient bien plus rigou-
reux, & la victoire qu'il gaigneroit sur le tyran
beaucoup plus glorieuse, & luy enchargea, en
prenant congé de luy, de distribuer aux pauures
les thresors de l'Eglise. Laurens pour obeir au
commandement du Pape, & aussi afin que ces
biens temporels ne l'empeschassent d'acquies-
cer l'ineestimable thresor de la couronne du martyre
qu'il souhaittoit ardemment, courut à grand
haste chercher tous les pauures Chrestiens qui

10.
Aou.